



Peter Olsen  
Inatsisartuni ilaasortaq, Inuit Ataqtigiit

**Apequteqaatip § 37 naapertorlugu nr. 215-ip – ilinniagaqarnersiutit siumoortumik stipendiatut tunniunneqartarneri pillugit akissuteqarfigineqarnera**

25-06-2019  
Sagsnr.  
Dok. nr. 10941081

Asasara Peter Olsen,

Postboks 1029  
3900 Nuuk  
Tlf: +299 34 50 00  
Email: ikiin@nanoq.gl  
www.nanoq.gl

Inatsisartut suleriaasiat naapertorlugu apequtinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1:** 1. Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersoq naapertorlugu ilinniagaqarnermusiat kingumut tunniunneqartarnikuusimagaluartut, sooq siumoortumik tunniunneqartalersimanagerat pillugu Naalakkersuisut nassuiaaqquneqarput. Sumik tunngaveqarpa kingumut tunniuttarunnaarlugit siumoortumik tunniunneqartalersimanagerat?

**Akissut:** Malittarisassat naapertorlugit stipendiat qaammammut tunniunneqartartut aamma meeqqanut tapit siumoortumik akilerneqartalernerat 1. august 2017 atortuulerpoq, ilinniagaqarnersiutit pillugit nalunaarutip atuuttup atortuulernera ilutigalugu, tak. tassani § 29, imm. 3, § 30, imm. 2 aamma § 56, imm. 1.

Tamatumunnga pingaarnertut tunngavilersuutaavoq kissaatigineqarmat ilinniakkamik taamaatitsiinnartarnerup ilinniarnepup aallartinnerani aningaasanik tigoraaannarnik peqartannginnermik tunngaveqartup pinngitsoortinneqarnissaa. Apeqqut tamanna sioqqullugu ilinniagaqartut kattuffiitut oqaloqatigiissutigineqarsimavoq, allannguinerlu aallaaveqarluni nalilersuinernik, siumoortumik akiliuteqartarneq ingammik ilinniakkamik aallartitsinermi annertuumik iluaqutaassasoq. Tamannalu pingaartumik ilinniartunut aallarterlaanut ingammik atuussimalluni, misilittakkat naapertorlugit ilinniarnepup aallartinnerani qaammatini siullermi aningaasaqarnikkut ajornartorsiornartumik inissisimasartunut.

Ilutigisaanillu taamani nalilernerqarpoq iluaqutissat pissarsiarineqartussat annertunerussasut allaffissornikkut unammilligassanit piulersussanit.

**Apeqqut 2:** Nalunaarut pineqartoq allanngortinniarneqalermat tusarniaanermut nassuiaatit kisimik pissarsiarinnaavakka.

- a. Tusarniaanermi ilinniartummita kattuffii, peqatigiiffiilu soorlu Ili Ili aamma Avalak qanormita kingumoortuujunnaarlugit siumoortunngortinneqarsimanagerat pillugu akissuteqarsimappat?

**Akissut:** Avalak tusarniaanermut akissuteqarpoq, oqaatigineqarporlu iluarisimaarneqartoq stipendianik akiliuteqartarnerup aamma meeqqanut tapisianik akiliuteqartarnerup siumoortunngorlugu allangortinneqarnera. Avalak tunngavilersuutimini allappoq danskit naalagaaffiata ilinniagaqarnersiutinik siumoortumik akiliuteqartarnerani ersertoq taamatut aaqqissuussineq ilinniartut aningaasaqarneranni unammilligassanut oqilisaataasartoq, ilinniagaqarnerup allartinnerani.

Kisiannili Ili Ili imaluunniit SIK tusarniaanermut akissuteqanngillat, tassani ilaallutik SIK-p inuusuttai, takukkit apeqqummut 3-mut uani ataani akissutaasut.

**Apeqput 3: Kalaallit Ilinniagaqartut Kattuffiat KIK atorunnaarsinneqarnerata kingunerisaanik Naalackersuisut tusarniaasarnerni ilinniaqqiffiit tusarniarneqartarnerini assassorluni atuagarsorlunilu ilinniarfiit peqataatinneqartarnissaat qanoq qulakkeerinniffigisimavaat?**

**Akissut:** Nalunaarummut siunnersuut tusarniaassutigalugu nassiunneqarpoq piffissami 15. februar 2017-imiit 22. marts 2017-imut, ilaatigut SIK-mut, tassanilu ilaallutik SIK-p inuusuttai. SIK-p inuusuttai 2013-imi pilersinneqarput, isumagisaralugillu ilaatigut ilinniartut – lærlingit, ilinniarnertuunngorniarfinni ilinniagaqartut aammalu sulinermik inuussutissarsiuteqartut allat 30-it inorlugit ukiullit. SIK-mik tusarniaanermut atatillugu apeqqutini immikkut ilinniagaqartunut attuumassuteqartuni, soorlu upernaaq tusarniaanermi pineqartutut, Inatsisartut ilinniartut ineqarfiinut tunngasumik inatsisissaannut siunnersuummut atatillugu, nalinginnaasumik tusarniaanermut akissutaasoq SIK-p inuusuttaaniit nassiunneqartarpoq, SIK-miit pinnani.

**a. Ili Ili nunatsinni ilinniartut tamat sinniisaattut Naalackersuisut isigaat?**

**Akissut:** Naalackersuisut isumaqarput Ili Ili pingaarnertut qaffasinnerusunik nunatsinni ilinniagaqartut sinniisorigaat, tak. peqatigiiffiup malittarisassai.

**Apeqput 4: Ilinniagaqarnermusiat siumut tunniuttarunnaarlugit kingumut tunniunneqartaleqqissaluarpata tamanna allaffissornikkut aningaasaqarnikkullu qanoq kinguneqassava Namminersorlutik Oqartussanut?**

**Akissut:** 2017-imi allannguinerummut atatillugu nalilerneqarpoq allannguneq ukiumut 2,4 mio. kr.-inik aningaasartuuteqarnerunermik ukiut qulit siullit iluanni kinguneqassasoq, ilinniagaqarnersiutinut aamma ilinniartut ineqarfiini najugaqartut ilassutinik ilinniartunik 10-nik amerleriarnerisigut. Nalilersuinerlu tassaasimavoq allannguneq pitsaasunik sunniuteqarumaartoq ilinniartut qulit amerleriaataanerisigut, ilinniagaqarnissamut ajornannginnerusunik periarfissaqalerneratigut ilinniarnepup aallartinnerani.

Malittarisassat utertillugit allangortinneqassappata imaaliinnarluni allaffissornerummut annertunngitsunik aningaasartuuteqarnerunermik tamanna kinguneqassaaq, assersuutigalugu suleriaatsinik allannguuteqartitsinikkut aningaasarsiaqartitseriaatsinut siusinnerusukkut atorneqarsimasunut uteqqinnikkut, kiisalu siunnersuisarnermi ilitsersuisarnermilu allannguutitut. Aningaasaqarnikkut kingunerisassai tassaasinnaapput 2,4 mio. kr.-inik aningaasartuutikinnerulerneq ukiut qulit siullit iluanni



agguaqatigiissitsilluni, naatsorsuutaassammat ikinnerusut ilinniakkamik aallartitsisarnissaat.

**Apeqquut 5: Ilinniagaqarnersiutit pillugu nalunaarut maanna atuuttoq naapertorlugu siumoortumik ilinniagaqarnersiuteqarneq peqqutigalugu ilinnariartorlutik aallartittussaagaluit uniinnaraagata arlaannilluunniit peqquteqartumik ilinniakkaminnik aallartitsinngitsooraagasa ilinnialerusulluni qinnuteqarsimasumut siumoortumillu ilinniagaqarnersiutisimasumut qanoq kinguneqartarpa?**

**Akissut:** Naalackersuisut aallarniutigalugu innersuutissavaat § 2, imm. 1, nr. 2 Ilinniagaqarnersiutit pillugit Inatsisartut inatsisaani nr. 12, 22. november 2011-imeersumi, allangortinneqartut Ilinniagaqarnersiutit pillugit Inatsisartut inatsisaata allangortinneqarneranik Inatsisartut inatsisaatigut nr. 16, 6. juni 2016-imeersukkut (ilinniagaqarnersiutit pillugit inatsit). Aalajangersakkami tassani sammineqarpoq ilinniagaqarnersiutinik pisartagaqarsinnaanermut atatillugu tunngaviulluinnartumik piunasaqaataasoq, tamannalu isumaqarluni ilinniagaqartup ilinniakkaminik ingerlatsisuunissaanik. Tamatumunngalu tapiliullugu innersuunneqassaaq ilinniagaqarnersiutit pillugit inatsimmi § 23, imm. 2 aamma 3, tassani ilaatigut ersimmat ilinniagaqarnersiutit utertillugit akilerneqarnissaat piunasarineqarsinnaasoq, ilinniagaqarnersiutit eqqunngitsumik tunngaveqartumik pisartagarineqarsimappata, siunertaasumut atorneqarsimanngippat, imaluunniit ilinniagartussap ilinniagaqarnissamut atatillugu najuussimanera ima sivisussuseqarsimappat, eqqortumik oqaatigalugu ilinniagaq aallartinneqarsimanani, aamma unititsineq naammaginartumik tunngavilersorneqarsimanngippat.

Inatsisini aalajangersakkat eqqaaneqartut isumaqarput utertitsilluni ilinniagaqarnersiutinik akiliuteqarnissaq pisussanngussasoq, ilinniagaq ilinniagaqarnersiuteqarfiusussatut akuersissutaasimasoq aallartinneqarsimanngippat. Tamannali atuutissanngilaq pissutsit aallartitsinnginnermut tunngaviusut assersuutigalugu nappaammik imaluunniit allamik ilinniartumut akisussaaffiutinneqarsinnaanngitsumik pissuteqarsimappat.

- a. Ilinniakkamik aallartinngitsuuisimasoq akiligassitsinneqartarpa? Taamaattoqarsimappat nalunaarutip atuutilersinneraniit ilinniarusullutik qinnuteqarsimasut tigusaareernermi kingorna aallartigatillu unittut nalunaarsorneqarsimappat?**

**Akissut:** Ilinniagaqartoq qaammammoortunik stipendianik akilernerqartarnissamik qinnuteqarsimasoq utoqqatsissutissartaqanngitsumillu ilinniakkamik aallartitsisimangitsoq, allatut ajornartumik utertitsilluni akileeqquneqartussaavoq. Taamaattulli ullumikkut ilinniagaqarnermi attartukkatut taarsiullugu nalunaarneqartarput, ilinniagaqartunut 18-ileereersimasunut.

Kisitsisinut aalajangersimasunut tunngatillugu ilisimatitsissutigineqarsinnaavoq 2016-imi ilinniagaqartut 34-it ilinniakkamik aallartitsisimangimmata, kisitsisillu 2017-imut tunngatillugu 27-iullutik. 2018-imi ilinniagaqartussat ilinniakkamik aallartitsinngitsoortut 50-iupput.

Inussiarnersumik inuulluaqqusilluta  
Med venlig hilsen



Ane Lone Bagger